



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XXIII. a Innocentius III. in registro.

[urn:nbn:de:hbz:466:1-74544](#)

judicare solum veritate attenta, & omisso judicio-
rum ordine. Sed haec sententia convincitum tum
ex dict. cap. incansis, tum quia Princeps non debet
judiciorum ordinem prætermittere, & eorum so-
lennitatem relaxare, nisi ex justa & necessariacau-
sa. Butius in *presenti*, num. 24, docet senten-
tia Innocentii in praesenti justificari ex actis ge-
fuis ante recusationem, & appellationem. Sed haec
sententia præterquam quod divinatoria est, con-
vincitur, quia per præventionem factam à judi-
cibus delegatis incompetens effectus fuit Cardi-
nalis Legatus; & ideo de causa agnoscentis juris or-
dinem prætermisit, *l. juris ordinem, Cod. de jurif-
dil.* Quare his omissis sententiis dicendum est,
Innocentium in praesenti casu judiciarium ordi-
nem servasse, & per legitimos tramites approba-
re sententiam privationis, quam tulerat Cardina-
lis Legatus, quia in ipsa instantia appellationis co-
ram ipso fides facta fuit criminum, & excessuum,

qua coram Cardinali objecta, & probata fuerant
contra Abbatem spoliatum, ut constat ex versatu
lo *cum igitur*, hujus textus. Unde non imponitur
poena privationis, nec confirmatur electio se-
undi Abatis, propter acta gesta prætermisso ju-
diciorum ordine, sed propter acta legitima ordinata
in instantia appellationis: quam proximam ag-
noverunt, & probarunt Bartol. in *l. I. numer. 12.*
*Cod. quando provocare, Alex. lib. 6. consil. 181 nu-
mer. 14.* Valafus *de partit. cap. 39 numer. 74* &
eadem ratione, sicut confirmatur ab Innocentio
depositio prioris Abbatis, ita etiam approbat
nova electio secundi; quia licet in principio, ordi-
natè facta fuisset, prætermisso legitimo judicio-
rum ordine; tamen in plenario appellationis judi-
cio Pontifex ex novis actis depositionem unius, &
electionem alterius confirmavit.

C A P U T XXIII.

a Innocentius III. in registro.

Accedens ad præsentiam nostram G. b nepos quondam Subd. n. H. suâ nobis quæ-
stione monstravit, quod cum dil. fil. noster H. Subd. apud Sed. Apost. viam u-
niversæ carnis ingressus fuisset, præbendam, quam decedens habuerat in Ecclesia
c Cremon. ei duximus, d conferendam, ven. f. n. H. Episcopo & dilectis f. Capitulo
Ecclesiæ Cremon, injungentes ut eum in fratrem recipieren, & tam e stallum in
Choro, quam locum in Capitulo, & præbendam eandem ipsi sine difficultate aliqua
assignarent: tibi etiam, fili Archid. & dil. fil. Præposito sanctæ Agathæ dedimus in
mandatis, ut si Episcopus, & Canonici mandatum Apost. non implerent, vos il-
lud sublatio appellationis obstatu exequi curaretis, contradictores per censuras ec-
clesiasticas appellatione remotâ compescerent. Cumque tu, & idem Præpositus, sicut
ex litteris vestris accepimus, monuissetis Episcopum, & Canonicos Cremon. ad man-
dandum Apost. exequendum, ipsi afferuerunt nostras litteras per veri suppressionem
obtentas, cum vivente adhuc Subd. prædicto, filium cuiusdam nobilis civis Crem.
in Canonicum receperint, & promisissent proximam præbendam vacaturam. Ad-
jejerunt etiam, quod ante receptionem litterarum nostrarum nuntium suum ad Sed. A-
post. destinarunt; & ideo ne procederetis ulterius, ad audientiam nostram appel-
larunt. Juvenis etiam, cui per Episcopum, & Canonicos eadem fuerat præbenda
concessa, duxit ad audientiam nostram proclamandum, unde vos non processistis
ulterius, sed quæ acta fuerant, per vestras nobis litteras intimatis. Igitur perebat
memoratus G. ut ex eo, quod Canonici contra f. Later. Concil. fecerant, impediri
non patremur nostræ concessionis effectum, sed præbendam ipsam faceremus eum
pacifice possidere, quæ si fuisset etiam juveni memorato concessa, debebat tamen
nostra concessio, quæ præcesserat, prævalere. Verum dil. fil. Bonus Joannes prædi-
ctorum Canonorum & Episcopi nuntius, proposuit, quod prius quam ad eos man-
dandum Apost. emanasset, præbendam ipsam juveni concesserant memorato: & sub-
junxit, quod dictus G. super homicidio, & perjurio infamia publica laborabat: unde
non solum admittendus non erat ad Crem. Ecclesiam, sed ejicendus potius, etiam
dum fuisset g. admissus. Episcopus quoque per suas nobis litteras intimavit, quod cum
pro eodem G. litteras Apost. receperisset, ei consuluit, ut et si conscientia salvâ posset, ta-
men saltem de perjurio & homicidio se purgaret, nisi contra eum appareat h. legitimus
accusator: sed ipse purgationem præstare noluit, nec offerre. Nosigitur attendentes,
quod si filius nobilis memorati, sicut Episcopi, & Canonorum Crem. & executo-
rum nostrorum litteræ attestabantur, fuit contra Later. Concilium ad proximam va-
caturam admissus, ut postmodum acceperunt, non vacantem, cum prius quam de mor-
te Subd. ad Crem. certus nuntius prævenire potuisset, prædictam præbendam concesseri.
mus prædicto G. d. v. per Ap. sc. mandamus quatenus quod de præmisso juvene factum est,
denuntietis irritum & inane, ac nisi præfatus clericus super prædictis criminibus publicè

D. D. Gonzal. in Decretal. Tom. V.

E 3

fuerit

fuerit infamatus , concessionem nostram sibi factam per cens. eccl. ap. rem. executioni mandetis. Demum si legitimus accusator apparuerit , auditis qua fuerint hinc inde i proposita , et si prædicta crima , vel eorum aliquid , legitime fuerint probata , ipsis super eadem præbenda perpetuum silentium ap. postposita imponatis. Quod si probare nequiverint , eam sibi auctoritate Apost. confirmetis : si vero contra eum legitimus non apparuerit accusator , si ipse super prædictis criminibus dignoscitur fama re-spersus , purgationem ei canonicam indicatis , in qua si forte defecerit , perpetuum silentium ei imponere curetis : si autem præstiterit ipsam , contradictores ab ejus molestia compescatis , & eos , qui nisi sunt cum impedire , in expensis ipsi legitimis condemnnetis.

N O T A E.

1. a [Dem.] In quarta collectione , sub tit. de concess. præbend. cap. 3. reperitur textus hic , pro ut in præsenti transcribitur , sub hac inscriptione: *Innoc. III. regesfr. Sed et si sedulè legas regestrum epistolarum ipsius Pontificis editum Coloniz. , & correcatum à Cardinali Sirleto , & editum à Bosqueto , non repieres præsentem epistolam , quia spectat ad libros regestri , qui adhuc non prodierunt : quare cognosci non potest , cui Archidiaco-no rescribat Pontifex , licet ex textus serie facile de-ducatur , rescribere Archidiacoно.*
2. b [Nepos.] Id est filius fratri , qui non prohibetur in beneficio patrui virtute nova electionis succedere , cap. 2. de arbitris , cap. ex parte , de offic. deleg. ubi notavi.
- c [Cremon.] De Cremonensi Ecclesia egi in cap. 2. de presb. non bapt.

d Conferendum.] Quia omnia beneficia va-cantia in Curia , jam olim conferebantur à Ro-mano Pontifice , ut hodie conferuntur virtute re-gula Cancellariae , quam exponit Gonzalez Glosso-st. ad Regul. 8.

e Stalum.] De stallo egi in cap. 2. de renun-ciat.

f Lateran. Concilium.] Relatum in cap. 2. de concess. præbend.

g Admissus.] Qui tam homicida , quam per-juris privantur beneficiis jam obtentis , ut proba-vi in cap. 2. de re scripti.

h Legitimus accusator.] Quinam ille sit , expo-suit in cap. 1. hoc tit.

i Propofita.] Quia in præsenti G. agebat reme-dio adipiscenda possessionis , unde hujusmodi excep-tiones admittuntur , quia infamatus de eis de-lictis dicebatur , cap. constitutus , de appell.

C A P U T XXIV.

Idem in Concilio a Generali.

Qualiter , & quando debeat Prælatus procedere ad inquirendum , & puniendum subditorum excessus , ex auctoritatibus veteris , & novi Testamenti colligitur evidenter , ex quibus postea processerunt canonicae sanctiones , sicut olim aperte di-stinximus , & nunc sacri approbatione Concilii confirmamus. Legitur enim in Evan-gelio , quod villicus ille , qui diffamatus erat apud Dominum suum , quasi dissipaf-let bona ipsius , audivit ab illo : Quid hoc audio de te ? Recde rationem villicationis tuae , jam enim non poteris amplius villicare. Et in Genesi Dominus ait : Descen-dam & videbo , utrum clamorem , qui venit ad me , opere compleverint. Ex qui-bus auctoritatibus manifestè probatur , quod non solum cum subditus , verum etiam cum Prælatus excedit , si per clamorem , & famam ad aures superioris pervenerit , non quidem à malevolis , & maledicis , sed à providis & honestis , non semel tan-tum , sed saxe , quod clamor innuit , & diffamatio manifestat , debet coram Eccle-sia senioribus veritatem diligenter perserutari , ut (si rei poposcerit qualitas) cano-nica districcio culpam feriat delinquentis , non tanquam idem sit accusator & judex , sed quasi denunciante fama , vel deferente clamore officii sui debitum exequatur. Li-cet autem hoc sit observandum in subditis ; diligenter tamen est observandum in Præ-latis , qui quasi signum sunt positi ad sagittam : & quia non possunt omnibus compla-cere , cum ex officio suo teneantur non solum arguere , sed etiam increpare ; quin et iam interdum suspendere , nonnunquam verò ligare , frequenter odium multorum in-currint , & infidias patiuntur. Et ideo sancti Patres providè statuerunt , ut accusatio Prælatorum non facilè admittatur , ne concussis columnis , corrut ædificium , nisi di-ligens adhibeat cautela , per quam non solum falsa , sed etiam malignæ crimi-nationi janua præcludatur. Verum ita voluerunt providere Prælatis , ne crimina-rentur injustè , ut tamen caverent , ne delinquerent insolenter , contra morbum utrumque invenientes medicinam congruam , videlicet ut criminalis accusatio , quæ ad diminutionem capit is , id est degradationem , intenditur , nisi legitima præcedat inscri-